

REPUBLIC OF KIRIBATI



s21, 37(3) Disaster Risk Management and Climate Change Act 2019

s2, 16, 17, 18, 19, 20 Public Health Infectious Disease Regulation

CURFEW ORDER

Ngai, **Te Beretitenti, Taneti Maamau**, iaan mwakau are I a tia n anganaki man te tua ae Disaster Risk Management and Climate Change Act ao Public Health Infectious Disease Regulation ao I kanakoa te tua aio ibukin waaki ake a riai ni iraki karaoaia iaon Tarawa Teinainano, Betio, Buota ao Butaritari ni kaineiti ma Alert Level 3 n aron aikai:-

1. Kainan te nakonako imarenan te aoa 6 n te bakantaai ni karokoa 6 n te moaningabong nte bong are imwina.
2. Ana tabo ni mwakuri ma ana kambwana te Tautaeke ana bane n in ao ni waaki ni mwakuri man mwengaia, ma a na bon tii uki taabo ake a rangi ni kainanoaki ibukiiia te botannaomata ma a na ira naba nanon ana kainibaire te MHMS, taabo aikai bon:

- Te On Aoraki
- Te Ikotaki ni Bureitiman
- Te Bangke
- Te KPA
- KOIL ao taabo ni bwaa ao gas stations
- Bitineti ake a kaboonaioi amwarake ma mooii n ikotaki ma KCDDL ibukin kanaia maan

- Aobitin Kaneweaba, Bitineti, Karaobwai ao Boboti
- Vodafone ao Oceanlink
- Aobitin te Mwane ma Customs
- Bootaki ni Kanakobwana ao Karekerongorongo
- PUB
- Aobitin Tauan Kanoan Boong
- Aobitin Kamweengaraoi ibukiia Aine ma Ataei
- Botaki ni Mwakuri ibukin Rongorongo, Reitaki ao Mwamwanga.
- Bao ni mwamwananga i taari ao kibakiba
- Te Red Cross
- Te KFHA
- Kiribati Fish Limited (KFL)
- Central Pacific Producers Limited (CPPL)

Bitinini ibukin rabwan kaa ma rebwerebwe ao bwain kateitei

3. Ao tabeua riki rabwata ake e bon noori riaina te Tautaeaka bwa a na riai n uki n tain naba te kainiin ae imwaaira aei, ma ana riai moa ni karekea ana kariaia ana Aobiti te Beretitenti.

4. Bitinini n aroia wholesalers ao titoa (retailers) ake a kabonakoi amwarake ao bwainaoraki a na teimatoa n uki ibukin te botanaomata imarenan te aoa 6 n te ingabong ni karokoa 6 n te bwakantaai. A na riai naba n taraia bwa ena iraki nanon te tau raroa ae 2 mita, rabunan te ubu ao kainibaire riki tabeua man te MHMS inanon ao ifinanikun aia titoa n taai nako.

5. Aomata nikabane a na riai n tiku iaan mwengaia ao n aki nakonako – ana bon tii kona n nakonako ibukin karekean kainano aika riai n aron kabooan te amwarake, te bwaa, te kava, te te karatiin ake a na riai ni katiai man 6am n te ingaabong nakon 6pm n te bwakantaai. A kantaningaki aomata nako bwa a na ira nanon ana kainibaire te Botaki ibukin te Mauri ao Katoki Aoraki iaon te tau raroa ae 2 mita, kabonganaan rabunan te ubu, te aki babaware ao ongiran te bwairi n ana tabo te botannaomata ao tabeua riki.

6. E uki te awaka imarenan te aoa 6 n te ingabong nakon 6 n te bwakantaai ma bon ti aman taan karaun ke taan akawa iaon te booti ae a kariaiakaki. E taburoroko bwa ana aerake n abamakoro riki tabeua ma bon ti te tabo are a mwananga mai iai.

7. A na kona n buti bao ni mwamwananga ma a na riai n kamatoa bwa e na kabonganaaki rabunan te ubu iaon aia bao, te aki babaware ao ongiran te bwairi, e na uki taian winto ni kabane ao a na tekateka baatintia iaon kaintekateka akea te itobwatobwa ma te tei.

8. Reirei ni kabane a na bane n in ni karokoa banen te namwakaina aio.

9. Taabo ni mooi nangkona, mooi manging ao taabo n takakaro a na bane n in.

10. Bobotaki nako ni ikotaki ma taromauri a na kona ni waaki n aki raka iaon 20 te aomata ao a na boo itinaniku ao n ira tuan te tau raroa ae 2 mita, rabuna te ubu ao e na raoiroi butin ke ukin te ang iai.

11. Te nako n te onnaoraki ma kiriniki a kariaiakaki ni kaineti ma ana kainibaire te Botaki ibukin te Mauri ao Katoki Aoraki.

12. Mwamwanangaia kaibuke ao kiiba a bon kaukaki ibukin karokoan te bwaa, bwaai n aoraki ao kaako nako aonaba ri taari ao n te kibakiba ma akea bwatintia ae kariaiakaki. Bon ti bwatintia mai Tarawa ake a bae l aonnaba ae

a na kariakiakaki n toka n oki nako Tarawa ma a na riai n ira naba nanon te kainibaire ibukin te mwamwananga ao man tia n koro itia.

13. E na toki te mwamwananga imarenaia abamwakoro nako, ti imarenan Tarawa ma Butaritari ngkai e kakoauaki bwa titebo aron butin te aoraki aio iaia.

14. A kabaeaki bureitiman ao ana taan mwakuri te Tautaeaka ake a tia n mwiokoaki bwa a na tara nanon te Oota aio ao te tua ae te Public Health (Infectious Disease) Regulation ao te Disaster Risk Management and Climate Change Act ao babaire riki ake a na kaotinakoaki imwina ba e na bane n iraki nanoia irovia aomata.

15. Babaire riki tabeua irarikin aikai aika a katawe man kawaekoaki karaoakiia a na kona ni bon ti tuangaki naba bureitiman ao ana taan mwakuri te Tautaeaka ake a mwiokoaki bwa a na karaoi nanoia ni kaineti ma taabo tabeua ke aomata ke mwakuri nako ao a mwaiti riki ake a noraki riaina ni karaoaki ibukin kakoroan nanon te Oota aio ma te tua ae te Public Health (Infectious Disease) Regulation ao te Disaster Risk Management and Climate Change Act ni kaineti ma te COVID-19.

16. Aki iran nanon te Order ma tuua aikai bon uruan te tua ao a na kona bureitiman ni katikiko ao ni kamatawarikiko. Ko na kona naba n anganaki te tua n te tai naba are ko urua nanon te Oota aio (spot fine) irovia bureitiman n te mwaiti ae \$100 are ko na kabwaka nakon te Aobiti ni Mwane I Bairiki inanon 14 te bong man te tai are ko anganaki iai te beba n tua aio bwa ngkana ko aki ao ko na uotaki nakon te kabowi ibukin am bure iaan te Oota aio. Ibukin buokan te matata ao uruan nanon kainibaire ake inanon te Public Health (Infectious Disease) Regulation bon te bure naba iaan te tua.

17. Ngkana iai te kaokoro ke te aki matata n te oota ae koreaki n te taetae n Kiribati aio ma te oota are koreaki ke n rairaki nakon te taetae n Imatang, ao e na riai n iraki nanon te oota are e koreaki n te taetae n Kiribati aio.

18. Te tua aio e kamaunai Oota ake a tia n karaoaki mai imwaina ni kaineti ma te Aoraki ae te COVID-19 ao e na moa bwainakina n 11 Beberuare 2022 n te aoa 6 n te ingabong ni ua 18 n Beberuare, 2022 n te aoa 6 n te ingabong.

Dated 10th February 2022

.....

HE TANETI MAAMAU

TE BERETITENTI

Printed by exhibition at the Office of Te Beretitenti on 10th February 2022.

.....

DR. NAOMI BIRIBO

SECRETARY TO THE CABINET